

改正  
音訓

# 易經

後藤點

坤

太政官文庫			
漢書門	七	八	三
冊架函號	一	一	三

內閣文庫			
漢書類	七	八	三
架冊號類	三	一	一

內閣文庫			
番號	漢	783	
冊數	11	(	2)
函號	275		229



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



上象傳

元大也始也施始  
改及

大哉乾元。萬物資始。乃統天。雲行雨施。品物流形。  
大明終始。六位時成。時乘六龍以御天。乾道變化。  
各正性命。保合太和。乃利貞。首出庶物。萬國咸寧。  
○至哉坤元。萬物資生。乃順承天。坤厚載物。德合  
无疆。含弘光大。品物咸亨。牝馬地類。行地无疆。柔  
順利貞。君子攸行。先迷失道。後順得常。西南得朋。  
乃與類行。東北喪朋。乃終有慶。安貞之吉。應地无  
疆。○屯剛柔始交。而難生。動乎險中。大亨貞。雷雨  
之動。滿盈。天造草昧。宜建侯而不寧。○蒙山下有

喪息浪反

難乃且反

天造猶言天運草  
雜象昧晦冥也

以謂能左右之也  
壘喜也  
比吉也此三字疑  
衍文

險險而止蒙蒙亨以亨行時中也匪我求童蒙童  
蒙求我志應也初筮告以剛中也再三瀆瀆則不  
告瀆蒙也蒙以養正聖功也○需須也險在前也  
剛健而不陷其義不困窮矣需有孚光亨貞吉位  
乎天位以正中也利涉大川往有功也○訟上剛  
下險險而健訟訟有孚窒惕中吉剛來而得中也  
終凶訟不可成也利見大人尚中正也不利涉大  
川入于淵也○師衆也貞正也能以衆正可以王  
矣剛中而應行險而順以此毒天下而民從之吉  
又何咎矣○比吉也比輔也下順從也原筮元永

施姤政反  
說音悅

長丁丈反

貞无咎以剛中也○不寧方來上下應也後夫凶其  
道窮也○小畜柔得位而上下應之曰小畜健而  
巽剛中而志行乃亨密雲不雨尚往也自我西郊  
施未行也○履柔履剛也說而應乎乾是以履虎  
尾不咥人亨剛中正履帝位而不疚光明也○泰  
小往大來吉亨則是天地交而萬物通也上下交  
而其志同也○內陽而外陰內健而外順內君子而  
外小人君子道長小人道消也○否之匪人不利  
君子貞大往小來則是天地不交而萬物不通也  
上下不交而天下无邦也○內陰而外陽內柔而外

易經下

剛内小人而外君子。小人道長，君子道消也。○同人柔得位，得中而應乎乾。曰：同人，同人于野，亨利，涉大川，乾行也。文明以健，中正而應，君子正也。唯君子為能通天下之志。○大有柔得尊位，大中而上下應之。曰：大有，其德剛健而文明，應乎天而時行，是以元亨。○謙亨，天道下濟而光明，地道卑而上行，天道虧盈而益謙，地道變盈而流謙，鬼神害盈而福謙，人道惡盈而好謙，謙尊而光，卑而不可踰，君子之終也。○豫剛應而志行，頤以動，豫豫頤以動，故天地如之，而況建侯行師乎。天地

上時堂友  
變謂傾壞  
流謂聚而歸之  
惡鳥路及呼報  
反

下遷嫁及說音悅

隨時隨時之王肅  
本作隨之隨之時  
今當從之

長丁丈及說音悅

下觀如字觀天同

以頤動，故日月不過，而四時不忒。聖人以頤動，則刑罰清而民服。豫之時義大矣哉。○隨剛來而下柔，動而說，隨大亨，貞无咎，而天下隨時，隨時之義大矣哉。○蠱剛上而柔下，巽而止，蠱元亨，而天下治也。利涉大川，往有事也。先甲三日，後甲三日。終則有始，天行也。○臨剛浸而長，說而頤剛中，而應天亨，以正天之道也。至于八月，有凶，消不久也。○大觀在上，頤而巽，中正以觀天下，觀盥而不薦，有孚顒若，下觀而化也。觀天之神道，而四時不忒，聖人以神道設教，而天下服矣。○頤中有物，曰噬

賁亨亨字疑衍

嗑嗑而亨剛柔分動而明雷電合而章柔得中  
 而上行雖不當位利用獄也○賁亨柔來而文剛  
 故亨分剛上而文柔故小利有攸往天文也文明  
 以止人文也觀乎天文以察時變觀乎人文以化  
 成天下○剝剝也柔變剛也不利有攸往小人長  
 也順而止之觀象也君子尚消息盈虛天行也○  
 復亨剛反動而以順行是以出入无疾朋來无咎  
 反復其道七日來復天行也利有攸往剛長也復  
 其見天地之心乎○无妄剛自外來而為主於內  
 動而健剛中而應大亨以正天之命也其匪正有

長丁丈反

長丁丈反

皆不利有攸往无妄之往何之矣天命不祐行矣  
 哉○大畜剛健篤實輝光日新其德剛上而尚賢  
 能止健大正也不家食吉養賢也利涉大川應乎  
 天也○頤貞吉養正則吉也觀頤觀其所養也自  
 求口實觀其自養也天地養萬物聖人養賢以及  
 萬民頤之時大矣哉○大過大者過也棟橈本末  
 弱也剛過而中巽而說行利有攸往乃亨太過之  
 時大矣哉○習坎重險也水流而不盈行險而不  
 失其信維心亨乃以剛中也行有尚往有功也天  
 險不可升也地險山川丘陵也王公設險以守其

重直龍反

國險之時用大矣哉○離麗也日月麗乎天百穀草木麗乎土重明以麗乎正乃化成天下柔麗乎中正故亨是以畜牝牛吉也

下象傳

咸感也柔上而剛下二氣感應以相與止而說男下女是以亨利貞取女吉也天地感而萬物化生聖人感人心而天下和平觀其所感而天地萬物之情可見矣○恒久也剛上而柔下雷風相與巽而動剛柔皆應恒恒亨无咎利貞久於其道也天地之道恒久而不已也利有攸往終則有始也日

說音悅下遯嫁反

長丁丈反

難乃且反下同

月得天而能久照四時變化而能久成聖人久於其道而天下化成觀其所恒而天地萬物之情可見矣○遯亨遯而亨也剛當位而應與時行也小利貞浸而長也遯之時義大矣哉○大壯大者壯也剛以動故壯大壯利貞大者正也正大而天地之情可見矣○晉進也明出地上順而麗乎大明柔進而上行是以康侯用錫馬蕃庶晝日三接也○明入地中明夷內文明而外柔順以蒙大難文王以之利難貞晦其明也內難而能正其志箕子以之○家人女正位乎內男正位乎外男女正天

地之大義也。家人有嚴君焉。父母之謂也。父子  
 子。兄。兄弟。弟。夫。夫婦。婦。而家道正。正家而天下定  
 矣。○睽。火動而上。澤動而下。二女同居。其志不同  
 行。說而麗乎明。柔進而上行。得中而應乎剛。是以  
 小事吉。天地睽。而其事同也。男女睽。而其志通也。  
 萬物睽。而其事類也。睽之時用大矣哉。○蹇。難也。  
 險在前也。見險而能止。知矣哉。蹇。利西南。往得中  
 也。不利東北。其道窮也。利見大人。往有功也。當位  
 貞吉。以正邦也。蹇之時用大矣哉。○解。險以動。動  
 而免乎險。解。利西南。往得眾也。其來復吉。乃得

知音智

上行之上時掌反

下下上還嫁反下  
如字  
施始或反

說音悅

中也有攸往。夙吉。往有功也。天地解而雷雨作。雷  
 雨作而百果草木皆甲拆。解之時大矣哉。○損。損  
 下益上。其道上行。損而有孚。元吉。无咎。可貞。利有  
 攸往。曷之用。二簋可用享。二簋應有時。損剛益柔  
 有時。損益盈虛。與時偕行。○益。損上益下。民說无  
 疆。自上下下。其道大光。利有攸往。中正有慶。利涉  
 大川。木道乃行。益動而巽。日進无疆。天施地生。其  
 益无方。凡益之道。與時偕行。○夬。決也。剛決柔也。  
 健而說。決而和。揚于王庭。柔乘五剛也。孚號有厲。  
 其危乃光也。告自邑。不利即戎。所尚乃窮也。利有

女正音訓

易經下

五

改正音言  
長下丈反

說音悅

假更自反

揜本又作掩於檢  
反說音悅

上時掌反

攸往剛長乃終也。○始遇也。柔遇剛也。勿用取女。不可與長也。天地相遇。品物咸章也。剛遇中正。天下大行也。姤之時義大矣哉。○萃聚也。順以說剛中而應故聚也。王假有廟。致孝享也。利見大人。亨聚以正也。用大牲吉。利有攸往。順天命也。觀其所聚而天地萬物之情可見矣。○柔以時升。巽而順。剛中而應。是以大亨。用見大人。勿恤。有慶也。南征吉。志行也。○困剛揜也。險以說困而不失其所亨。其唯君子乎。貞大人吉。以剛中也。有言不信。尚口乃窮也。○巽乎水而上水井。井養而不窮也。改邑

息滅息也又為生  
息之義

亨音庚及鉉入甚  
反

不改井乃以剛中也。汔至亦未繙井未有功也。羸其瓶是以凶也。○革水火相息。二女同居其志不相得曰革。已日乃孚。革而信之。文明以說。大亨以正。革而當其悔乃亡。天地革而四時成。湯武革命順乎天而應乎人。革之時大矣哉。○鼎象也。以木巽火亨飪也。聖人亨以享上帝而大亨以養聖賢。巽而耳目聰明。柔進而上行。得中而應乎剛。是以元亨。○震亨。震來虩虩恐致福也。笑言啞啞。後有則也。震驚百里。驚遠而懼邇也。出可以守宗廟社稷。以為祭主也。○艮止也。時止則止。時行則行動靜



艮其止 晁氏云當依卦亂作皆

漸之字疑衍或

不失其時其道光明艮其止止其所也上下敵應  
 不相與也是以不獲其身行其庭不見其人无咎  
 也○漸之進也女歸吉也進得位往有功也進以  
 正可以正邦也其位剛得中也止而巽動不窮也  
 ○歸妹天地之大義也天地不交而萬物不興歸  
 妹人之終始也說以動所歸妹也征凶位不當也  
 无攸利柔乘剛也○豐大也明以動故豐王假之  
 尚大也勿憂宜日中宜照天下也日中則昃月盈  
 則食天地盈虛與時消息而況於人乎況於鬼神  
 乎○旅小亨柔得中乎外而順乎剛止而麗乎明

說音悅下同

先西薦及又如字

難乃且及

上如字又時掌及中謂廟中

說音悅

是以小亨旅貞吉也旅之時義大矣哉○重巽以  
 申命剛巽乎中正而志行柔皆順乎剛是以小亨  
 利有攸往利見大人○兌說也剛中而柔外說以  
 利貞是以順乎天而應乎人說以先民民忘其勞  
 說以犯難民忘其死說之大民勸矣哉○渙亨剛  
 來而不窮柔得位乎外而上同王假有廟王乃在  
 中也利涉大川乘木有功也○節亨剛柔分而剛  
 得中苦節不可貞其道窮也說以行險當位以節  
 中正以通天地節而四時成節以制度不傷財不  
 害民○中孚柔在内而剛得中說而巽乎乃化邦

改正音義

易經下

也豚魚吉信及豚魚也利涉大川乘木舟虛也中  
孚以利貞乃應乎天也○小過小者過而亨也過  
以利貞與時行也柔得中是以小事吉也剛失位  
而不中是以不可大事也有飛鳥之象焉飛鳥遺  
之音不宜上宜下大吉上逆而下順也○既濟亨  
小者亨也利貞剛柔正而位當也初吉柔得中也  
終止則亂其道窮也○未濟亨柔得中也小狐汔  
濟未出中也濡其尾无攸利不續終也雖不當位  
剛柔應也

上象傳

濟下疑脫小字

復芳服反本亦作覆  
造祖早反猶作也

履霜堅冰按魏志  
作初六履霜合當  
從之剛順習也

知音智

經綸治絲之事經  
引之綸理之也

天行健君子以自疆不息○潛龍勿用陽在下也  
○見龍在田德施普也終終日乾乾反復道也○  
或躍在淵進無咎也○飛龍在天大人造也○亢  
龍有悔盈不可久也○用九天德不可為首也○  
地勢坤君子以厚德載物○履霜堅冰陰始凝也  
馴致其道至堅冰也○六二之動直以方也不習  
无不利地道光也○含章可貞以時發也或從王  
事知光大也○括囊无咎慎不害也○黃裳元吉  
文在中也○龍戰于野其道窮也○用六永貞以  
大終也○雲雷屯君子以經綸○雖磐桓志行正

改正音訓

易經下

行下孟反

順當作慎蓋順慎古字通用上時掌反

巽音洛難乃且反行以善又寬意

也。以貴下賤大得民也。○六二之難乘剛也。十年乃字反常也。○卽鹿无虞以從禽也。君子舍之往吝窮也。○求而往明也。○屯其膏施未光也。○泣血漣如何可長也。○山下出泉蒙。君子以果行育德。○利用刑人以正法也。○子克家剛柔接也。○勿用取女行不順也。○困蒙之吝獨遠實也。○童蒙之吉順以巽也。○利用禦寇上下順也。○雲上於天需。君子以飲食宴樂。○需于郊不犯難行也。○利用恒无咎未失常也。○需于沙衍在中也。雖小有言以吉終也。○需于泥災在外也。自我致寇敬

需酒食一本無需而需古註疏同當都浪反後凡當位做此

撥自取也

圖許六反

慎不敗也。○需于血順以聽也。○酒食貞吉以中正也。○不速之客來敬之終吉雖不當位未大失也。○天與水違行訟。君子以作事謀始。○不永所事訟不可長也。雖小有言其辯明也。○不克訟歸而逋。其不爾也。○訟元吉以中正也。○復卽命渝安貞不失也。○訟元吉以中正也。○以訟受服亦不足敬也。○地中有水師。君子以容民畜衆。○師出以律失律凶也。○在師中吉承天寵也。王三錫命懷萬邦也。○師或輿尸大无功也。○左次无咎未失常也。○長子帥師以中行也。○弟

女正音訓

易經下

子輿使不當也○大君有命以正功也小人勿  
用必亂邦也○地上有水比先王以建萬國親諸  
侯○比之初六有他吉也○比之自內不自失也  
○比之匪人不亦傷乎○外比於賢以從上也○  
顯比之吉位正中也舍逆取順失前禽也邑人不  
誠上使中也○比之无首无所終也○風行天上  
小畜君子以懿文德○復自道其義吉也○牽復  
在中亦不自失也○夫妻反目不能正室也○有  
孚惕出上合志也○有孚攣如不獨富也○既雨  
既處德積載也君子征凶有所疑也○上天下澤

全音拾

履君子以辯上下定民志○素履之往獨行願也  
○幽人貞吉中不自亂也眇能視不足以有明也  
○跛能履不足以與行也噬人之凶位不當也武  
人爲于大君志剛也○愬愬終吉志行也○夬履  
貞厲位正當也○元吉在上大有慶也○天地交  
泰后以財成天地之道輔相天地之宜以左右民  
○拔茅征吉志在外也○包荒得尚于中行以光  
大也○无平不陂天地際也○翩翩不富皆失實  
也不戒以孚中心願也○以祉元吉中以行願也  
○城復于隍其命亂也○天地不交否君子以儉

相息亮反  
左音佐右音佑

古易作无平不陂  
本義從之

文正音訓

易經

十一

辟音避  
難乃且反

德辟難不可榮以祿○拔茅貞吉志在君也○大  
人否亨不亂羣也○包羞位不當也○有命无咎  
志行也○大人之吉位正當也○不終則傾何可  
長也○天與火同人君子以類族辯物○出門同  
人又誰咎也○同人于宗吝道也○伏戎于莽敵  
剛也○三歲不興安行也○乘其墉義弗克也其吉  
則困而反則也○同人之先以中直也○太師相遇  
言相克也○同人于郊志未得也○火在天上大  
有君子以遏惡揚善順天休命○大有初九无交  
害也○大車以載積中不敗也○公用享于天子

昏明貌

易以豉反

履蒲侯反釋尺證  
反施始豉反

小人害也○匪其彭无咎明辯晷也○厥孚交如  
信以發志也○威如之吉易而无備也○大有上吉  
自天祐也○地中有山謙君子以裒多益寡稱物  
平施○謙謙君子卑以自牧也○鳴謙貞吉中心  
得也○勞謙君子萬民服也○无不利撝謙不違  
則也○利用侵伐征不服也○鳴謙志未得也可  
用行師征邑國也○雷出地奮豫先王以作樂崇  
德殷薦之上帝以配祖考○初六鳴豫志窮凶也  
○不終日貞吉以中正也○盱豫有悔位不當也  
○由豫大有得志大行也○六五貞疾乘剛也恒

殷盛也  
窮謂滿極

舍音捨  
窮極也

不死中未亡也○冥豫在上何可長也○澤中有  
 雷隨君子以嚮晦入宴息○官有渝從止吉也出  
 門交有功不失也○係小子弗兼與也○係丈夫  
 志舍下也○隨有獲其義凶也有孚在道明功也  
 ○孚于嘉吉位正中也○拘係之上窮也○山下  
 有風蠱君子以振民育德○幹父之蠱意承考也  
 ○幹母之蠱得中道也○幹父之蠱終无咎也○  
 裕父之蠱往未得也○幹父用譽承以德也○不  
 事王侯志可則也○澤上有地臨君子以教思无  
 窮容保民无疆○咸臨貞吉志行正也○咸臨吉

省悉并反

雷電當作電雷  
履作履  
經同  
古註屨

无不利未順命也○甘臨位不當也既憂之咎不  
 長也○至臨无咎位當也○大君之宜行中之謂  
 也○敦臨之吉志在内也○風行地上觀先王以  
 省方觀民說教○初六童觀小人道也○闕觀女  
 貞亦可醜也○觀我生進退未失道也○觀國之  
 光尚賓也○觀我生觀民也○觀其生志未平也  
 ○雷電噬嗑先王以明罰勅法○履校滅趾不行  
 也○噬膚滅鼻乘剛也○遇毒位不當也○利艱  
 貞吉未光也○貞厲无咎得當也○何校滅耳聰  
 不明也○山下有火賁君子以明庶政无敢折獄

改正音訓

易經下

十二

附音付

○舍車而徒義弗乘也○貴其須與上興也○永貞之吉終莫之陵也○六四當位疑也匪寇婚媾終无尤也○六五之吉有喜也○白賁无咎上得志也○山附於地剝上以厚下安宅○剝牀以足以滅下也○剝牀以辨未有與也○剝之无咎失上下也○剝牀以膚切近災也○以宮人寵終无尤也○君子得輿民所載也小人剝廬終不可用也○雷在地中復先王以至日閉關商旅不行后不省方○不遠之復以修身也○休復之吉以下仁也○頻復之厲義无咎也○中行獨復以從道

有猶守也

試謂少嘗之也

識如字又音志行下孟反

也○敦復无悔中以自考也○迷復之凶反君道也○天下雷行物與无妄先王以茂對時育萬物○无妄之往得志也○不耕穫未富也○行人得牛邑人災也○可貞无咎固有之也○无妄之藥不可試也○无妄之行窮之災也○天在山中大畜君子以多識前言往行以畜其德○有厲利已不犯災也○輿說輟中无尤也○利有攸往上合志也○六四元吉有喜也○六五之吉有慶也○何天之衢道大行也○山下有雷頤君子以慎言語節飲食○觀我朵頤亦不足貴也○六二征凶

改正音訓

行失類也○十年勿用道大悖也○顛頤之吉上  
 施光也○居貞之吉順以從上也○由頤厲吉大  
 有慶也○澤滅木太過君子以獨立不懼遯世无  
 悶○藉用白茅柔在下也○老夫女妻過以相與  
 也○棟橈之凶不可以有輔也○棟隆之吉不橈  
 乎下也○枯楊生華何可又也老婦士夫亦可醜  
 也○過涉之凶不可咎也○水洊至習坎君子以  
 常德行習教事○習坎入坎失道凶也○求小得  
 未出中也○來之坎坎終无功也○樽酒簋二剛  
 柔際也○坎不盈中未大也○上六失道凶三歲

洊在薦反

管貳晁氏曰陸氏釋文本無貳字今從之

作起也

辟音避

也○明兩作離大人以繼明照于四方○履錯之  
 敬以辟咎也○黃離元吉得中道也○日昃之離  
 何可久也○突如其來如无所容也○六五之吉  
 離王公也○王用出征以正邦也

下象傳

山上有澤咸君子以虛受人○咸其拇志在外也  
 ○雖凶居吉順不害也○咸其股亦不處也志在  
 隨人所執下也○貞吉悔亡未感害也憧憧往來  
 未光大也○咸其脢志末也○咸其輔頰舌滕口  
 說也○雷風恒君子以立不易方○浚恒之凶始

滕騰通用

改王音訓

易經下

卷之四



遠表金馬反

求深也○九二悔亡能久中也○不惧其德无所容也○久非其位安得禽也○婦人貞吉從一而終也夫子制義從婦凶也○振恒在上大无功也○天下有山遯君子以遠小人惡而嚴○遯尾之厲不往何災也○執用黄牛固志也○係遯之厲有疾憊也畜臣妾吉不可大事也○君子好遯小人否也○嘉遯貞吉以正志也○肥遯无不利无所疑也○雷在天上大壯君子以非禮弗履○壯于趾其孚窮也○九二貞吉以中也○小人用壯君子罔也○藩決不羸尚往也○喪羊于易位

行下孟反

收正音訓

不當也○不能退不能遂不詳也艱則吉咎不長也○明出地上晉君子以自昭明德○晉如摧如獨行正也裕无咎未受命也○受茲介福以中正也○衆允之志上行也○鼫鼠貞厲位不當也○失得勿恤往有慶也○維用伐邑道未光也○明入地中明夷君子以莅衆用晦而明○君子于行義不食也○六二之吉順以則也○南狩之志乃大得也○入于左腹獲心意也○箕子之貞明不可息也○初登于天照四國也後入于地失則也○風自火出家人君子以言有物而行有恒○閑

有家志未變也○六二之吉順以巽也○家人嗃  
 嗃未失也婦子嘻嘻失家節也○富家大吉順在  
 位也○王假有家交相愛也○威如之吉及身之  
 謂也○上火下澤睽君子以同而異○見惡人以  
 辟咎也○遇主于巷未失道也○見輿曳位不當  
 也○无初有終遇剛也○交孚无咎志行也○厥宗  
 噬膚往有慶也○遇雨之吉群疑亡也○山上有  
 水蹇君子以反身修德○往蹇來譽宜待也○王  
 臣蹇蹇終无尤也○往蹇來反內喜之也○往蹇  
 來連當位實也○大蹇朋來以中節也○往蹇來

碩志在內也利見大人以從貴也○雷雨作解君  
 子以赦過宥罪○剛柔之際義无咎也○九二貞  
 吉得中道也○負且乘亦可醜也自我致戎又誰  
 咎也○解而拇未當位也○君子有解小人退也  
 ○公用射隼以解悖也○山下有澤損君子以懲  
 忿窒欲○已事遄往尚合志也○九二利貞中以  
 爲志也○一人行三則疑也○損其疾亦可喜也  
 ○六五元吉自上祐也○弗損益之大得志也○  
 風雷益君子以見善則遷有過則改○元吉无咎  
 下不厚事也○或益之自外來也○益用凶事固

施始鼓又居德則  
忌未詳

有之也○告公從以益志也○有孚惠心勿問之  
 矣惠我德大得志也○莫益之偏辭也或擊之自  
 外來也○澤上於天夫君子以施祿及下居德則  
 忌○不勝而往咎也○有戎勿恤得中道也○君  
 子夫夫終无咎也○其行次且位不當也聞言不  
 信聰不明也○中行无咎中未光也○无號之凶  
 終不可長也○天下有風姤后以施命誥四方○  
 繫于金柅柔道牽也○包有魚義不及賓也○其  
 行次且行未牽也○无魚之凶遠民也○九五含  
 章中正也有隕自天志不全命也○姤其角上窮

牽進也

遠表萬及

舍音捨

除者脩而聚之  
謂

順德王肅本順作  
慎蓋古字通用

吝也○澤上於地萃君子以除戎器戒不虞○乃  
 亂乃萃其志亂也○引吉无咎中未變也○往无  
 咎上巽也○大吉无咎位不當也○萃有位志未  
 光也○齋咨涕洟未安上也○地中生木升君子  
 以順德積小以高大○允升大吉上合志也○九  
 二之孚有喜也○升虛邑无所疑也○王用享于  
 岐山順事也○貞吉升階大得志也○冥升在上  
 消不富也○澤无水困君子以致命遂志○入于  
 幽谷不明也○困于酒食中有慶也○據于蒺藜  
 乘剛也入于其宮不見其妻不祥也○來徐徐志

勞方報及相息虎  
及舍音捨

在下也雖不當位有與也○劓刑志未得也乃徐  
有說以中直也利用祭祀受福也○困于葛藟未  
當也動悔有悔吉行也○木上有水井君子以勞  
民勸相○井泥不食下也舊井无禽時舍也○井  
谷射鮒无與也○井渫不食行恻也求王明受福  
也○井甃无咎修井也○寒泉之食中正也○元  
吉在上大成也○澤中有火革君子以治曆明時  
○鞶用黃牛不可以有為也○已日革之行有嘉  
也○革言三就又何之矣○改命之吉信志也○  
大人虎變其文炳也○君子豹變其文蔚也小人

凝猶至道不凝之

革面順以從君也○木上有火鼎君子以正位凝  
命○鼎顛趾未悖也利出否以從貴也○鼎有實  
慎所之也我仇有疾終无尤也○鼎耳革失其義  
也○覆公餗信如何也○鼎黃耳中以爲實也○  
玉鉉在上剛柔節也○洊雷震君子以恐懼修省  
○震來虩虩恐致福也笑言啞啞後有則也○震  
來厲乘剛也○震蘇蘇位不當也○震遂泥未光  
也○震往來厲危行也其事在中大无喪也○震  
索索中未得也雖凶无咎畏鄰戒也○兼山艮君  
子以思不出其位○艮其趾未失止也○不拯其

文二音川

動至一

十一

改正音言

正衍文叶韻可見

素飽如詩言素餐  
離刀智反

隨未退聽也○良其限危薰心也○良其身止諸  
 躬也○良其輔以中正也○敦艮之吉以厚終也  
 ○山上有木漸君子以居賢德善俗○小子之厲  
 義无咎也○飲食衎衎不素飽也○夫征不復離  
 群醜也婦孕不育失其道也利用禦寇順相保也  
 ○或得其桷頌以巽也○終莫之勝吉得所願也  
 ○其羽可用為儀吉不可亂也○澤上有雷歸妹  
 君子以永終知敝○歸妹以娣以恒也跛能履吉  
 相承也○利幽人之貞未變常也○歸妹以須未  
 當也○愆期之志有待而行也○帝乙歸妹不如

在中大金作止中  
疑非古註在中

折之舌反

其娣之袂良也其位在中以貴行也○上六无實  
 承虛筐也○雷電皆至豐君子以折獄致刑○雖  
 旬无咎過旬災也○有孚發若信以發志也豐其  
 沛不可大事也折其右肱終不可用也○豐其蔀  
 位不當也日中見斗幽不明也遇其夷主吉行也  
 ○六五之吉有慶也○豐其屋天際翔也闕其戶  
 聞其无人自藏也○山上有火旅君子以明慎用  
 刑而不留獄○旅瑣瑣志窮災也○得童僕貞終  
 无尤也○旅焚其次亦以傷矣以旅與下其義喪  
 也○旅于處未得位也得其資斧心未快也○終

藏謂障蔽

文正音訓

隨相制之

以譽命上逮也○以旅在上其義焚也喪牛于易  
終莫之聞也○隨風巽君子以申命行事○進退  
志疑也利武人之貞志治也○紛若之吉得中也  
○頻巽之吝志窮也○田獲三品有功也○九五  
之吉位正中也○巽在牀下上窮也喪其資斧正  
乎凶也○麗澤兌君子以朋友講習○和兌之吉  
行未疑也○孚兌之吉信志也○來兌之凶位不  
當也○九四之喜有慶也○孚于剝位正當也○  
上六引兌未光也○風行水上渙先王以享于帝  
立廟○初六之吉順也○渙奔其机得願也○渙

正平凶言必凶

遠表萬及

塞悉則及

其躬志在外也○渙其群元吉光大也○王居无  
咎正位也○渙其血遠害也○澤上有水節君子  
以制數度議德行○不出戶庭知通塞也○不出  
門庭凶失時極也○不節之嗟又誰咎也○安節  
之享承上道也○甘節之吉居位中也○苦節貞  
凶其道窮也○澤上有風中孚君子以議獄緩死  
○初九虞吉志未變也○其子和之中心願也○  
或鼓或罷位不當也○馬匹亡絕類上也○有孚  
攣如位正當也○翰音登于天何可長也○山上  
有雷小過君子以行過乎恭喪過乎哀用過乎儉

上時掌及

行下孟及

文三音訓

已上太高

○飛鳥以凶不可如何也○不及其君臣不可過也○從或戕之凶如何也○弗過遇之位不當也往厲必戒終不可長也○密雲不雨已上也○弗過過之已亢也○水在火上既濟君子以思患而豫防之○曳其輪義无咎也○七日得以中道也○三年克之德也○終日戒有所疑也○東鄰殺牛不如西鄰之時也實受其福吉大來也○濡其首厲何可久也○火在水上未濟君子以慎辯物居方○濡其尾亦不知極也○九二貞吉中以行正也○未濟征凶位不當也○貞吉悔亡志行也

備蒲拜反

暉光之散也

斷丁亂反

見賢遍反

知猶主也易以鼓反

繫辭上傳

○君子之光其暉吉也○飲酒濡首亦不知節也天尊地卑乾坤定矣卑高以陳貴賤位矣動靜有常剛柔斷矣方以類聚物以群分吉凶生矣在天成象在地成形變化見矣是故剛柔相摩八卦相盪鼓之以雷霆潤之以風雨日月運行一寒一暑乾道成男坤道成女乾知大始坤作成物乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天

改正音義

易經下

二十一

改訂

失得大全作得失

三極天地人之至理

齊猶定也

下之理得而成位乎其中矣。○聖人設卦觀象繫辭焉。而明吉凶。剛柔相推而生變化。是故吉凶者失得之象也。悔吝者憂虞之象也。變化者進退之象也。剛柔者晝夜之象也。六爻之動三極之道也。是故君子所居而安者。易之序也。所樂而玩者。爻之辭也。是故君子居則觀其象而玩其辭。動則觀其變而玩其占。是以自天祐之吉。言不利。○彖者言乎象者也。爻者言乎變者也。吉凶者言乎其失得也。悔吝者言乎其小疵也。无咎者善補過也。是故列貴賤者存乎位。齊小大者存乎卦。辯吉凶者

介謂辨別之端震動也

易以鼓反

彌如彌縫之彌

知音智

樂音洛

通猶兼也

知音智

存乎辭。憂悔吝者存乎介。震无咎者存乎悔。是故卦有小大。辭有險易。辭也者。各指其所之。○易與天地準。故能彌綸天地之道。仰以觀於天文。俯以察於地理。是故知幽明之故。原始反終。故知死生之說。精氣為物。游魂為變。是故知鬼神之情狀。與天地相似。故不違。知周乎萬物。而道濟天下。故不過。旁行而不流。樂天知命。故不憂。安土敦乎仁。故能愛。範圍天地之化。而不過。曲成萬物而不遺。通乎晝夜之道。而知。故神无方而易无體。一陰一陽之謂道。繼之者善也。成之者性也。仁者見之謂之

女正音訓

易經下

卷之三



鮮息淺反

呈也

夫音扶

不禦言无盡

俞虛級反闢婢亦反

子曰疑皆後人所加也

仁知者見之謂之知。百姓日用而不知。故君子之道鮮矣。顯諸仁，藏諸用，鼓萬物而不與聖人同憂。盛德大業至矣哉。富有之謂大業，日新之謂盛德。生生之謂易，成象之謂乾，效法之謂坤，極數知來之謂占，通變之謂事，陰陽不測之謂神。○夫易廣矣大矣，以言乎遠則不禦，以言乎邇則靜而止，以言乎天地之間則備矣。夫乾其靜也專，其動也直，是以大生焉。夫坤其靜也翕，其動也闢，是以廣生焉。廣大配天地，變通配四時，陰陽之義配日月，易簡之善配至德。○子曰：易其至矣乎。夫易聖人所

知音智

續雜亂也

斷丁亂反

惡鳥路反猶厭也

和胡臥反 靡音摩

以崇德而廣業也。知崇禮卑，崇效天，卑法地。天地設位而易行乎其中矣。成性存存，道義之門。○聖人有以見天下之赜，而擬諸其形容，象其物宜，是故謂之象。聖人有以見天下之動，而觀其會通，以行其典禮，繫辭焉以斷其吉凶，是故謂之爻。言天下之至赜而不可惡也，言天下之至動而不可亂也，擬之而後言，議之而後動，擬議以成其變化。鳴鶴在陰，其子和之，我有好爵，吾與爾靡之。子曰：君子居其室，出其言善，則千里之外應之，況其邇者乎。居其室，出其言不善，則千里之外違之，況其邇

女正音訓

易經

卷之九

行下孟反見賢遍反

斷下管反

者乎言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎同人先號咷而後笑子曰君子之道或出或處或默或語二人同心其利斷金同心之言其臭如蘭初六藉用白茅无咎子曰苟錯諸地而可矣藉之用茅何咎之有慎至也夫茅之為物薄而用可重也慎斯術也以往其无所失矣勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也凡龍有悔子曰貴而

幾音機

无位高而无民賢人在下位而无輔是以動而有悔也不出戶庭无咎子曰亂之所生也則言語以為階君不密則失臣臣不密則失身幾事不密則害成是以君子慎密而不出也子曰作易者其知盜乎易曰負且乘致寇至負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也○天一地二天三地四天五地六天七地八天九地十天數五地數五五位相得而各有合天數二十有五地數三十凡

天一至地十本在第十章之首程子曰宜在此今從之天數五至神也本在大衍之後今按宜在此

標音標間而數之也  
奇所標四數之餘也  
也物音勒著著於指間也  
期音基

天地之數五十有五。此所以成變化而行鬼神也。大衍之數五十。其用四十有九。分而為二以象兩掛一以象三。揲之以四以象四時。歸奇於扚以象閏五歲。再閏故再扚而後掛。乾之策二百一十有六。坤之策百四十有四。凡三百有六十。當期之日。二篇之策萬有一千五百二十。當萬物之數也。是故四營而成易。十有八變而成卦。八卦而小成。引而伸之。觸類而長之。天下之能事畢矣。顯道神德行。是故可與酬酢。可與祐神矣。子曰。知變化之道者。其知神之所為乎。○易有聖人之道四焉。以言

長丁亂反  
行下孟反

嚮許兩反

與音預下同參七  
南反錯七各反

研猶審也幾音機  
微也

者尚其辭以動者尚其變以制器者尚其象以卜筮者尚其占是以君子將有為也將有行也問焉而以言其受命也如嚮尤有遠近幽深遂知來物非天下之至精其孰能與於此參伍以變錯綜其數通其變遂成天地之文極其數遂定天下之象非天下之至變其孰能與於此易无思也无為也寂然不動感而遂通天下之故非天下之至神其孰能與於此夫易聖人之所以極深而研幾也唯深也故能通天下之志唯幾也故能成天下之務唯神也故不疾而速不行而至子曰易有聖人之

冒莫報反

道四焉者此之謂也。○子曰夫易何為者也。夫易開物成務。冒天下之道如斯而已者也。是故聖人以通天下之志。以定天下之業。以斷天下之疑。是故蓍之德圓而神。卦之德方以知。六爻之義易以貢。聖人以此洗心。退藏於密。吉凶與民同患。神以知來。知以藏往。其孰能與於此哉。古之聰明叡知神武而不殺者。夫是以明於天之道而察於民之故。是興神物以前民用。聖人以此齋戒以神明其德。夫是故闔戶謂之坤。闔戶謂之乾。一闔一闢謂之變。往來不窮謂之通。見乃謂之象。形乃謂之器。

知音智。易以貢謂變易以告人。

大音泰

下音玄

立下疑有關文

聖賢猶勉勉也

見賢遍反

丁亂反

文正音訓

制而用之謂之法。利用出入。民咸用之謂之神。是故易有大極。是生兩儀。兩儀生四象。四象生八卦。八卦定吉凶。吉凶生大業。是故法象莫大乎天地。變通莫大乎四時。縣象著明。莫大乎日月。崇高莫大乎富貴。備物致用。立成器以為天下利。莫大乎聖人。探賾索隱。鈎深致遠。以定天下之吉凶。成天下之亹亹者。莫大乎蓍龜。是故天生神物。聖人則之。天地變化。聖人效之。天垂象。見吉凶。聖人象之。河出圖。洛出書。聖人則之。易有四象。所以示也。繫辭焉。所以告也。定之以吉凶。所以斷也。○易曰。自

天祐之吉无不利乎曰祐者助也天之所助者順也人之所助者信也履信思乎順又以尚賢也是以自天祐之吉无不利也子曰書不盡言言不盡意然則聖人之意其不可見乎子曰聖人立象以盡意設卦以盡情偽繫辭焉以盡其言變而通之以盡利鼓之舞之以盡神乾坤其易之緼邪乾坤成列而易立乎其中矣乾坤毀則无以見易易不可見則乾坤或幾乎息矣是故形而上者謂之道形而下者謂之器化而裁之謂之變推而行之謂之通舉而措之天下之民謂之事業是故夫象聖

幾音機

人有以見天下之賾而擬諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻極天下之賾者存乎卦鼓天下之動者存乎辭化而裁之存乎變推而行之存乎通神而明之存乎其人默而成之不言而信存乎德行

繫辭下傳

八卦成列象在其中矣因而重之爻在其中矣剛柔相推變在其中矣繫辭焉而命之動在其中矣吉凶悔吝者生乎動者也剛柔者立本者也變通

重直龍反

行下孟反

趣七樹反  
觀官喚反

夫音扶確苦角反  
易以鼓反  
賁大四反

像音象見賢遍反

曰人今本作曰仁  
呂氏從古

音音古回音田

者趣時者也。吉以者貞勝者也。天地之道貞觀者也。日月之道貞明者也。天下之動貞夫一者也。夫乾確然示人易矣。夫坤隤然示人簡矣。爻也者效此者也。象也者像此者也。爻象動乎內吉凶見乎外。功業見乎變。聖人之情見乎辭。天地之大德曰生。聖人之大寶曰位。何以守位曰人。何以聚人曰財。理財正辭禁民為非曰義。○古者包犧氏之王天下也。仰則觀象於天。俯則觀法於地。觀鳥獸之文。與地之宜。近取諸身。遠取諸物。於是始作八卦。以通神明之德。以類萬物之情。作結繩而為網罟。

斷陔角反 韮音似  
柔力對反

釋叔豆反

剡口姑反  
剡以再反 致遠以  
利天下疑衍

重直龍反  
拆池落反

斷丁緩反 梓昌呂  
反掘其月反

以佃以漁。蓋取諸離。包犧氏沒。神農氏作。斲木為耜。揉木為耒。耨之利。以教天下。蓋取諸益。日中為市。致天下之民。聚天下之貨。交易而退。各得其所。蓋取諸噬嗑。神農氏沒。黃帝堯舜氏作。通其變。使民不倦。神而化之。使民宜之。易窮則變。變則通。通則久。是以自天祐之。吉无不利。黃帝堯舜垂衣裳而天下治。蓋取諸乾坤。剡木為舟。剡木為楫。舟楫之利。以濟不通。致遠以利天下。蓋取諸渙。服牛乘馬。引重致遠。以利天下。蓋取諸隨。重門擊柝。以待暴客。蓋取諸豫。斷木為杵。掘地為臼。臼杵之利。

衣於既反

萬民以濟蓋取諸小過弦木為弧剡木為矢弧矢之利以威天下蓋取諸睽上古穴居而野處後世聖人易之以宮室上棟下宇以待風雨蓋取諸大壯古之葬者厚衣之以薪葬之中野不封不樹喪斯無數後世聖人易之以棺槨蓋取諸大過上古結繩而治後世聖人易之以書契百官以治萬民以察蓋取諸夬○是故易者象也象也者像也彖者材也爻也者效天下之動者是故吉凶生而悔吝著也○陽卦多陰陰卦多陽其故何也陽卦奇陰卦耦其德行何也陽一君而二民君子之道也

行下孟反

信音申曠紀縛反

陰二君而一民小人之道也○易曰憧憧往來朋從爾思子曰天下何思何慮天下同歸而殊塗一致而百慮天下何思何慮日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉尺蠖之屈以求信也龍蛇之蟄以存身也精義入神以致用也利用安身以崇德也過此以往未之或知也窮神知化德之盛也易曰困于石據于蒺藜入于其宮不見其妻凶子曰非所困而困焉名必辱非所據而據焉身必危既辱且危

改正音言

易經

三十九

括古适及結礙也

死斯將至。妻其可得見邪。易曰：公用射隼于高墉之上，獲之无不利。子曰：隼者禽也，弓矢者器也，射之者人也。君子藏器於身，待時而動，何不利之有。動而不括，是以出而有獲，語成器而動者也。子曰：小人不恥不仁，不畏不義，不見利不勸，不威不懲。小德而大誡，此小人之福也。易曰：履校滅趾，无咎。此之謂也。善不積不足以成名，惡不積不足以滅身。小人以小善為无益而弗為也，以小惡為无傷而弗去也。故惡積而不可掩，罪大而不可解。易曰：何校滅耳。凶。子曰：危者安其位者也，亡者保其

漢書吉之間有凶字先見之見賢遍又

存者也。亂者有其治者也。是故君子安而不忘危，存而不忘亡，治而不忘亂，是以身安而國家可保也。易曰：其亡其亡，繫于苞桑。子曰：德薄而位尊，知小而謀大，力小而任重，鮮不及矣。易曰：鼎折足，覆公餗，其形渥，凶。言不勝其任也。子曰：知幾其神乎。君子上交不諂，下交不瀆，其知幾乎。幾者動之微，吉之先見者也。君子見幾而作，不俟終日。易曰：介于石，不終日。貞吉。介如石焉。寧用終日，斷可識矣。君子知微知彰，知柔知剛，萬夫之望。子曰：顏氏之子，其殆庶幾乎。有不善未嘗不知，知之未嘗復行。

復扶又反

文正



改正音言  
細繆交密之狀

易以鼓反

也。易曰：不遠復，无祗悔，元吉。天地絪縕，萬物化醇，男女構精，萬物化生。易曰：三人行則損一人，一人行則得其友。言致一也。子曰：君子安其身而後動，易其心而後語，定其交而後求，君子修此三者，故全也。危以動，則民不與也；懼以語，則民不應也；无交而求，則民不與也。莫之與，則傷之者至矣。易曰：莫益之，或擊之，立心勿恒，凶。○子曰：乾坤其易之門邪？乾陽物也，坤陰物也，陰陽合德而剛柔有體，以體天地之撰，以通神明之德，其稱名也雜而不越於習其類，其衰世之意邪？夫易彰往而察來而

撰猶事也

夫音扶而微顯也  
當作微顯而開而  
之而亦疑有誤

當去聲斷丁亂反

中丁仲反肆陳也

貳疑也行下孟反

微顯闡幽，開而當名，辨物正言，斷辭則備矣。其稱名也小，其取類也大，其旨遠，其辭文，其言曲而中，其事肆而隱，因貳以濟民行，以明得失之報。○易之興也，其於中古乎？作易者，其有憂患乎？是故履德之基也，謙德之柄也，復德之本也，恒德之固也，損德之修也，益德之裕也，困德之辨也，井德之地也，巽德之制也，履和而至，謙尊而光，復小而辨於物，恒雜而不厭，損先難而後易，益長裕而不設，困窮而通，井居其所而遷，巽稱而隱，履以和行，謙以制禮，復以自知，恒以一德，損以遠害，益以興利，困

行下孟反

遠袁萬反

故王備訓

遠猶忘也  
上時掌及

方道也

要一遙及下同

易以豉及夫音扶

知音智

以寡怨。并以辨義。巽以行權。○易之為書也。不可  
遠為道也。屢遷變動。不居周流。六虛上下。无常剛  
柔相易。不可為典要。唯變所適。其出入以度。外內  
使知懼。又明於憂患與故。无有師保。如臨父母。初  
率其辭。而揆其方。既有典常。苟非其人。道不虛行。  
○易之為書也。厚始要終。以為質也。六爻相雜。唯  
其時物也。其初難知。其上易知。本末也。初辭擬之  
卒成之終。若夫雜物撰德。辯是與非。則非其中爻  
不備。噫。亦要存亡吉凶。則居可知矣。知者觀其象  
辭。則思過半矣。二與四同功而異位。其善不同。二

要如字又一遙及  
下章同

勝音升

當都浪反

易以豉反

多譽。凶多懼。近也。柔之為道。不利遠者。其要无咎。  
其用柔中也。三與五同功而異位。三多凶。五多功。  
貴賤之等也。其柔危其剛勝邪。○易之為書也。廣  
大悉備。有天道焉。有人道焉。有地道焉。兼三才而  
兩之。故六六者。非他也。三才之道也。道有變動。故  
曰爻。爻有等。故曰物。物相雜。故曰文。文不當。故吉  
凶生焉。○易之興也。其當殷之末世。周之盛德邪。  
當文王與紂之事邪。是故其辭危。危者。使平易者  
使傾。其道甚大。百物不廢。懼以終始。其要无咎。此  
之謂易之道也。○夫乾。天下之至健也。德行恒易以

改正音讀  
行下孟反  
說音悅侯之二字

知險夫坤天下之至順也德行恒簡以知阻能說  
諸心能研諸侯之慮定天下之吉凶成天下之亹  
亹者是故變化云為吉事有祥象事知器占事知  
來天地設位聖人成能人謀鬼謀百姓與能八卦  
以象告爻象以情言剛柔雜居而吉凶可見矣變  
動以利言吉凶以情遷是故愛惡相攻而吉凶生  
遠近相取而悔吝生情偽相感而利害生凡易之  
情近而不相得則凶或害之悔且吝將叛者其辭  
慙中心疑者其辭枝吉人之辭寡躁人之辭多誣  
善之人其辭游失其守者其辭屈

與音預

惡烏路反

文言

長下文及下同

元者善之長也亨者嘉之會也利者義之和也貞  
者事之幹也君子體仁足以長人嘉會足以合禮  
利物足以和義貞固足以幹事君子行此四德者  
故曰乾元亨利貞初九曰潛龍勿用何謂也子曰  
龍德而隱者也不易乎世不成乎名遯世无悶不  
見是而无悶樂則行之憂則違之確乎其不可拔  
潛龍也九二曰見龍在田利見大人何謂也子曰  
龍德而正中者也庸言之信庸行之謹閑邪存其  
誠善世而不伐德博而化易曰見龍在田利見大

樂音洛

行下孟反

人君德也。九二曰：君子終日乾乾，夕惕若厲，无咎。何謂也？子曰：君子進德修業，忠信所以進德也，修辞立其誠，所以居業也。知至至之，可與幾也；知終終之，可與存義也。是故居上位而不驕，在下位而不憂，故乾乾因其時而惕，雖危无咎矣。九四曰：或躍在淵，无咎，何謂也？子曰：上下无常，非為邪也；進退无恒，非離群也；君子進德修業，欲及時也，故无咎。九五曰：飛龍在天，利見大人，何謂也？子曰：同聲相應，同氣相求，水流濕，火就燥，雲從龍，風從虎，聖人作而萬物覩，本乎天者親上，本乎地者親下，則

離力智反

作起也物猶人也

舍去聲

各從其類也。上九曰：亢龍有悔，何謂也？子曰：貴而无位，高而无民，賢人在下位而无輔，是以動而有悔也。潛龍勿用，下也；見龍在田，時舍也；終日乾乾，行事也；或躍在淵，自試也；飛龍在天，上治也；亢龍有悔，窮之災也；乾元用九，天下治也；潛龍勿用，陽氣潛藏，見龍在田，天下文明；終日乾乾，與時偕行，或躍在淵，乾道乃革；飛龍在天，乃位乎天德；亢龍有悔，與時偕極；乾元用九，乃見天則；乾元者，始而亨者也；利貞者，性情也；乾始能以美利利天下，不言所利大矣哉！大哉乾乎！剛健中正，純粹精也。六

旁通猶言曲盡

行下孟及下同

未見之見賡通反

重直龍及下同

夫音扶

先悉薦反

後胡豆反

爻發揮旁通情也時乘六龍以御天也雲行雨施  
天下平也君子以成德為行日可見之行也潛之  
為言也隱而未見行而未成是以君子弗用也君  
子學以聚之問以辯之寬以居之仁以行之易曰  
見龍在田利見大人君德也九三重剛而不中上  
不在天下不在田故乾乾因其時而惕雖危无咎  
矣九四重剛而不中上不在天下不在田中不在  
人故或之或之者疑之也故无咎夫大人者與天  
地合其德與日月合其明與四時合其序與鬼神  
合其吉凶先天而天弗違後天而奉天時天且弗

喪息浪反

主下當有利字

順慎古字通用

違而况於人乎况於鬼神乎亢之為言也知進而  
不知退知存而不知亡知得而不知喪其唯聖人  
乎知進退存亡而不失其正者其唯聖人乎○坤  
至柔而動也剛至靜而德方後得主而有常含萬  
物而化光坤道其順乎承天而時行積善之家必  
有餘慶積不善之家必有余殃臣弑其君子弑其  
父非一朝一夕之故其所由來者漸矣由辯之不  
早辯也易曰履霜堅冰至蓋言順也直其正也方  
其義也君子敬以以直內義以方外敬義立而德  
不孤直方大不習无不利則不疑其所行也陰雖

易經下

三十五

有美含之以從王事弗敢成也。地道也。妻道也。臣道也。地道无成而代有終也。天地變化草木蕃。天地閉賢人隱。易曰括囊无咎无譽。蓋言謹也。君子黃中通理正位居體美在其中而暢於四支發於事業美之至也。陰疑於陽必戰為其嫌於无陽也。故稱龍焉猶未離其類也。故稱血焉。夫玄黃者天地之雜也。天玄而地黃。

為于偽反

離力智反 夫音扶

著音戶參七南反

說卦傳

昔者聖人之作易也幽贊於神明而生蓍。参天兩地而倚數觀變於陰陽而立卦發揮於剛柔而生爻。

射音石數色主反

恒况晚反說音悅 下章同

爻和順於道德而理於義窮理盡性以至於命。昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用柔剛故易六位而成章。○天地定位山澤通氣雷風相薄水火不相射八卦相錯數往者順知來者逆是故易逆數也。○雷以動之風以散之雨以潤之日以暄之艮以止之兌以說之乾以君之坤以藏之。○帝出乎震齊乎巽相見乎離致役乎坤說言乎兌戰乎乾勞乎坎成言乎艮萬物出

敬王備訓

易經

卷之七

乎震震東方也齊乎巽巽東南也齊也者萬物  
之潔齊也離也者明也萬物皆相見南方之卦也  
聖人南面而聽天下嚮明而治蓋取諸比也坤也  
者地也萬物皆致養焉故曰致役乎坤兌正秋也  
萬物之所說也故曰說言乎兌戰乎乾乾西北之  
卦也言陰陽相薄也坎者水也正北方之卦也勞  
卦也萬物之所歸也故曰勞乎坎艮東北之卦也  
萬物之所成終而所成始也故曰成言乎艮○神  
也者妙萬物而為言者也動萬物者莫疾乎雷撓  
萬物者莫疾乎風燥萬物者莫熯乎火說萬物者

撓乃飽反

熯呼祖反

樽必內反

莫說乎澤潤萬物者莫潤乎水終萬物始萬物者  
莫盛乎艮故水火相逮雷風不相悖山澤通氣然  
後能變化既成萬物也○乾健也坤順也震動也  
巽入也坎陷也離麗也艮止也兌說也○乾為馬  
坤為牛震為龍巽為雞坎為豕離為雉艮為狗兌  
為羊○乾為首坤為腹震為足巽為股坎為耳離  
為目艮為手兌為口○乾天也故稱乎父坤地也  
故稱乎母震一索而得男故謂之長男巽一索而  
得女故謂之長女坎再索而得男故謂之中男離  
再索而得女故謂之中女艮三索而得男故謂之

索色白反求也

長丁丈反

改正音訓

易經

卷之

少詩掌反  
圖音圓

駭邦角反

更音字良音郎

崔音九區主樹反

少男兌三索而得女故謂之少女○乾為天為圓  
為君為父為玉為金為寒為冰為大赤為良馬為  
老馬為瘠馬為駁馬為木果坤為地為母為布為  
釜為吝嗇為均為子母牛為大輿為文為衆為柄  
其於地也為黑震為雷為龍為玄黃為粵為大塗  
為長子為決躁為蒼黃竹為萑葦其於馬也為善  
鳴為鼻足為作足為的顙其於稼也為反生其究  
為健為蕃鮮巽為木為風為長女為繩直為工為  
白為長為高為進退為不果為臭其於人也為寡  
髮為廣顙為多白眼為近利市三倍其究為躁卦

縣如九反

區紀力反

乾音干

贏力禾反蚌步頂

反

驗其廉反喙况廢

坎為水為溝瀆為隱伏為矯輮為弓輪其於人也  
為加憂為心病為耳痛為血卦為赤其於馬也為  
美脊為呶心為下首為薄蹄為曳其於輿也為多  
胥為通為月為盜其於木也為堅多心離為火為  
日為電為中女為甲冑為戈兵其於人也為大腹  
為乾卦為鱉為蟹為贏為蚌為龜其於木也為科  
上槁艮為山為徑路為小石為門闕為果蓏為闔  
寺為指為狗為鼠為黔喙之屬其於木也為堅多  
節兌為澤為少女為巫為口舌為毀折為附決其  
於地也為剛鹵為妾為羊

文七音

易經下

卷十七



序卦傳

有天地然後萬物生焉。盈天地之間者唯萬物。故受之以屯。屯者盈也。屯者物之始生也。物生心蒙。故受之以蒙蒙者蒙也。物之穉也。物穉不可不養也。故受之以需。需者飲食之道也。飲食必有訟。故受之以訟。訟必有衆起。故受之以師。師者衆也。衆必有所比。故受之以比。比者比也。比必有所畜。故受之以小畜。物畜然後有禮。故受之以履。履而泰然後安。故受之以泰。泰者通也。物不可以終通。故受之以否。物不可以終否。故受之以同人。與人同

晁氏曰鄭無而泰二字

以觀之觀去聲餘如字

者物必歸焉。故受之以大有。有大者不可以盈。故受之以謙。有大而能謙。必豫。故受之以豫。豫必有隨。故受之以隨。以喜隨人者必有事故。故受之以蠱。蠱者事也。有事而後可大。故受之以臨。臨者大也。物大然後可觀。故受之以觀。可觀而後有所合。故受之以噬嗑。嗑者合也。物不可以苟合而已。故受之以賁。賁者飾也。致飾然後亨。則盡矣。故受之以剝。剝者剝也。物不可以終盡。剝窮上反下。故受之以復。復則不妄矣。故受之以无妄。有无妄然後可畜。故受之以大畜。物畜然後可養。故受之以頤。頤

者養也。不養則不可動。故受之以大過。物不可以終過。故受之以坎。坎者陷也。陷必有所麗。故受之以離。離者麗也。有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。有君臣然後有上下。有上下然後禮義有所錯。夫婦之道不可以不久也。故受之以恒。恒者久也。物不可以久居其所。故受之以遯。遯者退也。物不可以終遯。故受之以大壯。物不可以終壯。故受之以晉。晉者進也。進必有所傷。故受之以明夷。夷者傷也。傷於外者必反其家。故

其一作於

難乃且反

受之以家人。家道窮必乖。故受之以睽。睽者乖也。乖必有難。故受之以蹇。蹇者難也。物不可以終難。故受之以解。解者緩也。緩必有所失。故受之以損。損而不已必益。故受之以益。益而不已必決。故受之以夬。夬者決也。決必有所遇。故受之以姤。姤者遇也。物相遇而後聚。故受之以萃。萃者聚也。聚而上者謂之升。故受之以升。升而不已必困。故受之以困。困乎上者必及下。故受之以井。井道不可不革。故受之以革。革物者莫若鼎。故受之以鼎。主器者莫若長子。故受之以震。震者動也。物不可以終

動止之故受之以艮艮者止也物不可以終止故  
受之以漸漸者進也進必有所歸故受之以歸妹  
得其所歸者必大故受之以豐豐者大也窮大者  
必失其居故受之以旅旅而无所容故受之以巽  
巽者入也入而後說之故受之以兌兌者說也說  
而後散之故受之以渙渙者離也物不可以終離  
故受之以節節而信之故受之以中孚有其信者  
必行之故受之小過有過物者必濟故受之以既  
濟物不可窮也故受之以未濟終焉

雜卦傳

說音悅下同

兌賢遍反

訟傷也

離乃且反

上時掌反

乾剛坤柔比樂師憂臨觀之義或與或求屯見而  
不失其居蒙雜而著震起也艮止也損益成叢之  
始也大畜時也无妄災也萃聚而升不來也謙輕  
而豫怠也噬嗑食也賁无色也兌見而巽伏也隨  
无故也蠱則飾也剝爛也復反也晉晝也明夷誅  
也井通而困相遇也咸速也恒久也渙離也節止  
也解緩也蹇難也睽外也家人內也否泰反其類  
也大壯則止遯則退也大有衆也同人親也革去  
故也鼎取新也小過過也中孚信也豐多故親寡  
旅也離上而坎下也小畜寡也履不處也需不進

也訟不親也。大過顛也。姤遇也。柔遇剛也。漸女歸  
 待男行也。頤養正也。既濟定也。歸妹女之終也。未  
 濟男之窮也。夬決也。剛決柔也。君子道長。小人道  
 憂也。

易經終

